

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
OPĆINSKO VIJEĆE**

Prijedlog

Broj: 01/1-___/25

Kakanj, ___. ___.2025. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06, 51/09), člana 24. Statuta Općine Kakanj („Službene novine Općine Kakanj“, broj: 4/08), te člana 5.6. i člana 10. Zakona o slatkovodnom ribarstvu /Službene novine FBiH“ broj:64/04, 27/10 i 10/25) Općinsko vijeće na __. sjednici, održanoj dana __. __.2025. godine, donijelo je

**ODLUKA
O USTUPANJU NA KORIŠTENJE RIBOLOVNOG PODRUČJA**

Član 1.

Odobrava se Ministarstvu za poljoprivredu, šumarstvo i vodoprivredu Zeničko-dobojskog kantona da ustupi na korištenje ribolovnu zonu na području općine Kakanj, davanjem ribolovnog prava putem konkursa uz naknadu i na osnovu predloženog programa gospodarenja ribolovnim područjem.

Član 2.

Korisnik ribolovnog prava plaća naknadu za ustupljeno ribolovno pravo za ribolovnu zonu „Kakanj“, te se predlaže naknada u iznosu od **250,00 KM** godišnje.

Član 3.

Ovlašćuje se Načelnik i nadležna općinska Služba da mogu donositi mišljenja, preporuke i druge akte, u skladu sa odredbama Zakona o slatkovodnom ribarstvu.

Član 4.

Ova Odluka stupa na snagu danom donošenja, a objavit će se u „Službenim novinama Općine Kakanj“.

**PREDSJEDAVAJUĆI
PREDSJEDNIŠTVA VIJEĆA**

Slaven Katičić

O B R A Z L O Ž E N J E

Stupanjem na snagu Zakona o izmjenama i dopunama Zakona o slatkovodnom ribarstvu („Sl.novine FBiH“ broj:10/25), jedinice lokalne samouprave su uključene u postupak ustupanja na korištenje ribolovnog područja/zona, u određivanju naknade i u postupku za dozvolu za privredni ribolov.

Naime Čl. 5 Zakona, propisano je da ribolovno područje ili dio ribolovnog područja kantonalno ministarstvo putem konkursa ustupa na korištenje uz naknadu, uz predhodno pribavljeno mišljenje organa lokalne samouprave na čijoj teritoriji se nalazi ribolovno područje/zona odnosno dijelovi ribolovnog područja.

Čl. 6. Zakona, propisano je da visinu naknade određuje Vlada kantona na čijoj teritoriji se nalazi ribolovno područje, odnosno dijelovi ribolovnog područja na prijedlog nadležnog organa lokalne samouprave. Naknada za ustupanje na korištenje ribolovnog prava su namjenska sredstva koja se koriste u omjeru 50% lokalna samouprava i 50 % kanton.

Shodno naprijed navedenom, a rješavajući po zahtjevu ministarstva za poljoprivredu, šumarstvo i vodoprivredu Zeničko-dobojskog kantona broj: 05-20-4200/25 od 10.03.2025. godine za dostavljanje mišljenja za ustupanje na korištenje ribolovnog područja/zona i prijedloga naknade, uz predhodno obavljene konsultacije, dostavljamo prijedlog odluke kojom se daje pozitivno mišljenje nadležnom ministarstvu da provede postupak dodjele ribolovnog prava u skladu sa odredbama Zakona o slatkovodnom ribarstvu.

O B R A Ć I V A Ć:
Služba za privredu, urbanizam
i zaštitu okoline

P R E D L A G A Ć:
Općinski načelnik
Mirnes Bajtarević